

## REGLUGERÐ FRAMKVÆMDASTJÓRNARINNAR (ESB) nr. 579/2014

2015/EES/8/18

frá 28. maí 2014

## um undanþágu frá tilteknum ákvæðum II. viðauka við reglugerð Evrópuþingsins og ráðsins (EB) nr. 852/2004 að því er varðar flutning á fljótandi olíum og fitu á sjó (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 852/2004 frá 29. apríl 2004 um hollustuhætti sem varða matvæli<sup>(1)</sup>, einkum 2. mgr. 13. gr.,

og að teknu tilliti til eftirfarandi:

- 1) Í reglugerð (EB) nr. 852/2004 er kveðið á um að stjórnendum matvælafyrirtækja beri að uppfylla almennar kröfur um hollustuhætti, sem eru settar fram í IV. kafla II. viðauka við þá reglugerð, við flutninga á matvælum. Í 4. lið þess kafla er gerð krafa um að flytja skuli matvæli í lausu, fljótandi eða kornuðu formi eða duftformi í tönkum og/eða gámum/geymum sem eru eingöngu notaðir til að flytja matvæli. Sú krafa er hins vegar óraunhæf og er óþarflega íþyngjandi fyrir stjórnendur matvælafyrirtækja þegar henni er beitt gagnvart flutningi með hafskipum á fljótandi olíum og fitu sem eru ætlaðar eða líklegt er að verði notaðar til manneldis. Auk þess er ekki nægilegt framboð af hafskipum, sem eru einvörðungu ætluð til matvælaflutninga, til að fullnægja eftirspurn í reglubundinni verslun með slíkar olíur og fitu.
- 2) Ákvæði tilskipunar framkvæmdastjórnarinnar 96/3/EB<sup>(2)</sup> heimila sjóflutninga á fljótandi olíum og fitu í tönkum, sem hafa verið notaður áður til flutninga á efnunum sem eru talin upp í viðaukanum við þá tilskipun, með fyrirvara um tiltekin skilyrði sem tryggja lýðheilsuvernd og öryggi og heilnæmi þeirra matvæla sem um ræðir.
- 3) Í ljósi umræðunnar í Alþjóðamatvælaáskránni, sem leiddi til samþykktar á viðmiðunum sem nota skal til að ákvarða hvort fyrri farmur af fljótandi olíum til manneldis og fitu, sem er fluttur á sjó, sé tækur<sup>(3)</sup> og að ósk framkvæmdastjórnarinnar lagði Matvælaöryggisstofnun Evrópu (hér á eftir nefnd Matvælaöryggisstofnunin) mat á viðmiðanirnar fyrir tækileika fyrri farms að því er varðar fitu og olíur til manneldis og samþykkti vísindalegt álit um endurskoðun á viðmiðunum fyrir tækan fyrri farm að því er varðar fitu og olíur til manneldis<sup>(4)</sup>.
- 4) Að beiðni framkvæmdastjórnarinnar lagði Matvælaöryggisstofnunin einnig mat á skrá yfir efni með tilliti til þessara viðmiðana. Matvælaöryggisstofnunin hefur samþykkt nokkur vísindaleg álit um mat á tækileika efnanna sem fyrri farms að því er varðar fitu og olíur til manneldis<sup>(5)</sup><sup>(6)</sup><sup>(7)</sup><sup>(8)</sup>.

(\*) Þessi EB-gerð birtist í Stjtið. ESB L 160, 29.5.2014, bls. 14. Hennar var getið í ákvörðun sameiginlegu EES-nefndarinnar nr. 258/2014 frá 12. desember 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

<sup>(1)</sup> Stjtið. ESB L 139, 30.4.2004, bls. 1.

<sup>(2)</sup> Tilskipun framkvæmdastjórnarinnar 96/3/EB frá 26. janúar 1996 um undanþágu frá tilteknum ákvæðum tilskipunar ráðsins 93/43/EBE um hollustuhætti í matvælaíðnaði vegna flutninga á fljótandi olíum og fitu í lausri vigt á sjó (Stjtið. EB L 21, 27.1.1996, bls. 42).

<sup>(3)</sup> Sameiginleg áætlun matvæla- og landbúnaðarstofnunar Sameinuðu þjóðanna og Alþjóðaheilbrigðismálastofnunarinnar um matvælastaðla, Alþjóðamatvælaáskráráðgjafi, þritugasti og fjórði fundur, Alþjóðleg ráðstefnumiðstöð, Genf, Sviss, 4.–9. júlí 2011, REP11/CAC, 45.–47. liður.

<sup>(4)</sup> Vísindalegt álit sérfræðinganeftardarinnar um aðskotaefni í matvælaferlinu, að beiðni framkvæmdastjórnar Evrópusambandsins, um endurskoðun á viðmiðunum fyrir tækan fyrri farm að því er varðar fitu og olíur til manneldis *Tíðindi Matvælaöryggisstofnunar Evrópu* (2009) 1110, 1–21.

<sup>(5)</sup> Sérfræðinganeftnd Matvælaöryggisstofnunar Evrópu um aðskotaefni í matvælaferlinu (CONTAM); „Scientific Opinion on the evaluation of substances as acceptable previous cargoes for edible fats and oils“ (Vísindalegt álit um mat á efnunum sem tækur fyrir farmur að því er varðar fitu og olíur til manneldis). *Tíðindi Matvælaöryggisstofnunar Evrópu* 2009 7(11), 1391.

<sup>(6)</sup> Sérfræðinganeftnd Matvælaöryggisstofnunar Evrópu um aðskotaefni í matvælaferlinu (CONTAM); „Scientific Opinion on the evaluation of the substances currently on the list in the Annex to Commission Directive 96/3/EC as acceptable previous cargoes for edible fats and oils, Part I of III.“ (Vísindalegt álit um mat á efnunum, sem eru sem stendur í skránni í viðaukanum við tilskipun framkvæmdastjórnarinnar 96/3/EB, sem tækur fyrir farmur að því er varðar fitu og olíur til manneldis, I. hluti af III.). *Tíðindi Matvælaöryggisstofnunar Evrópu* 2011 9(12), 2482.

<sup>(7)</sup> Sérfræðinganeftnd Matvælaöryggisstofnunar Evrópu um aðskotaefni í matvælaferlinu (CONTAM); „Scientific Opinion on the evaluation of the substances currently on the list in the Annex to Commission Directive 96/3/EC as acceptable previous cargoes for edible fats and oils, Part II of III.“ (Vísindalegt álit um mat á efnunum, sem eru sem stendur í skránni í viðaukanum við tilskipun framkvæmdastjórnarinnar 96/3/EB, sem tækur fyrir farmur að því er varðar fitu og olíur til manneldis, II. hluti af III.). *Tíðindi Matvælaöryggisstofnunar Evrópu* 2012 10(5), 2703.

<sup>(8)</sup> Sérfræðinganeftnd Matvælaöryggisstofnunar Evrópu um aðskotaefni í matvælaferlinu (CONTAM); „Scientific Opinion on the evaluation of the substances currently on the list in the Annex to Commission Directive 96/3/EC as acceptable previous cargoes for edible fats and oils, Part III of III.“ (Vísindalegt álit um mat á efnunum, sem eru sem stendur í skránni í viðaukanum við tilskipun framkvæmdastjórnarinnar 96/3/EB, sem tækur fyrir farmur að því er varðar fitu og olíur til manneldis, III. hluti af III.). *Tíðindi Matvælaöryggisstofnunar Evrópu* 2012 10(12), 2984.

- 5) Til glöggvunar á löggjöf Sambandsins og til að taka tillit til niðurstaða úr vísindalegum álitum Matvælaöryggisstofnunarinnar ætti að fella tilskipun 96/3/EB úr gildi og þessi reglugerð koma í hennar stað.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

*1. gr.*

**Undanþága**

Þrátt fyrir 4. lið IV. kafla II. viðauka við reglugerð (EB) nr. 852/2004 má flytja fljótandi oliur eða fitu sem eru ætlaðar eða líklegt er að verði notaðar til manneldis („olíur eða fita“) með hafskipum sem eru ekki einvörðungu ætluð til flutninga á matvælum með fyrirvara um að skilyrðin, sem mælt er fyrir um í 2. og 3. gr. þessarar reglugerð, séu uppfyllt.

*2. gr.*

**Skilyrði fyrir undanþágu**

1. Farmurinn sem var fluttur á undan olíunum og fitunni í sama búnaði í hafskipi (hér á eftir nefndur „fyrri farmur“) skal samanstanda af efni eða blöndum efna sem eru skráðar í viðaukann við þessa reglugerð.

2. Flutningar með hafskipum á fljótandi olíum og fitu í lausri vigt, sem vinna á frekar, skulu leyfðir í tönkum sem ekki eru einvörðungu ætlaðir til flutninga á matvælum, að eftirfarandi skilyrðum uppfylltum:

a) ef olíurnar eða fitan er flutt í tanki úr ryðfríu stáli eða tanki sem er klæddur að innan með epoxýresíni eða efni, sem er tæknilega sambærilegt, skal sá farmur, sem var fluttur í honum næst á undan, hafa verið:

- i. matvæli, eða
- ii. farmur úr skránni yfir tækan fyrri farm sem er að finna í viðaukanum,

eða

b) ef olían eða fitan er flutt í tanki úr öðrum efnum en þeim sem um getur í a-lið skal sá farmur, sem var fluttur í tönkunum þrjú næstu skipti á undan, hafa verið:

- i. matvæli, eða
- ii. farmur úr skránni yfir tækan fyrri farm sem er að finna í viðaukanum.

3. Flutningar með hafskipum á fljótandi olíum og fitu í lausri vigt, sem ekki á að vinna frekar, skulu leyfðir í tönkum sem ekki eru einvörðungu ætlaðir til flutninga á matvælum, að eftirfarandi skilyrðum uppfylltum:

a) tankurinn skal vera:

- i. úr ryðfríu stáli, eða
- ii. klæddur að innan með epoxýresíni eða efni, sem er tæknilega sambærilegt,

og

b) sá farmur, sem var fluttur í tönkunum þrjú næstu skipti á undan, skal hafa verið matvæli.

3. gr.

#### **Skráahald**

1. Skipstjóri á hafskipi sem flytur í tönkum olíur og fitu í lausri vigt skal hafa undir höndum nákvæm skrifleg sönnunargögn um þann farm, sem var fluttur í viðkomandi tönkum þrjú næstu skipti á undan, og skilvirkni þeirra hreinsunaraðgerða sem fóru fram milli þessara farmflutninga.
2. Hafi farmi verið umskipað skal skipstjórinn á móttökuskipinu hafa undir höndum, til viðbótar við skriflegu sönnunargögnin sem krafist er í 1. mgr., nákvæm skrifleg sönnunargögn þess efnis að flutningur á fljótandi olíum og fitu í lausri vigt hafi verið í samræmi við skilyrðin sem mælt er fyrir um í 2. gr. meðan á fyrri flutningi stóð og um skilvirkni hreinsunaraðgerða sem var beitt milli þessara farma á hinu skipinu.
3. Ef óskað er eftir því skal skipstjóri hafskipsins láta lögbæru yfirvaldi í té skriflegu sönnunargögnin sem kveðið er á um í 1. og 2. mgr.

4. gr.

#### **Niðurfelling**

Tilskipun 96/3/EB er felld úr gildi.

5. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. maí 2014.

*Fyrir hönd framkvæmdastjórnarinnar;*

José Manuel BARROSO

*forseti.*

## VIÐAUKI

## SKRÁ YFIR TÆKAN FYRRI FARM

Efni (samheiti)	CAS-nr.
Ediksýra (etanólsýra, ediksýra, metankarboxýlsýra)	64-19-7
Ediksýruanhýdríð (etanhýdríð)	108-24-7
Aseton (dímetýlketón, 2-própanón)	67-64-1
Súrar olíur og fitusýrueimi — úr jurtaolíum og -fitu og/eða blöndum úr þeim, og úr fitu og olíum úr dýrum og sjávardýrum.	—
Ammóníumhýdroxíð (ammóníumhýdrat, ammoníakslausn, ammoníaksvatn)	1336-21-6
Ammóníumfjölfosfat	68333-79-9 og 10124-31-9
Olíur og fita úr dýrum og sjávardýrum, jurtaolíur og -fita og hertar olíur og fita samkvæmt sjávarumhverfisverndarnefnd Alþjóðasiglingamálastofnunarinnar.2/ umburðarbréf.	—
Bensýlalkóhól (einungis af lyfja- og prófunarhreinleika)	100-51-6
N-bútýlasetat	123-86-4
Sekbútýlasetat	105-46-4
Tertbútýlasetat	540-88-5
Ammóníumnítratlausn	6484-52-2
Kalsíumnítratlausn (CN-9) og tvísalt hennar $\text{NH}_4\text{NO}_3 \cdot 5\text{Ca}(\text{NO}_3)_2 \cdot 10\text{H}_2\text{O}$ , sem kallast „saltpétursýra, ammóníumkalsíumsalt“	35054-52-5
Kalsíumklóríðlausn	10043-52-4
Sýklóhexan (hexametýlen, hexanaften, hexahýdróbensen)	110-82-7
Epoxíð sojabaunaolía (innihald oxíransúrefnis a.m.k. 7% en mest 8%)	8013-07-8
Etanól (etýlalkóhól)	64-17-5
Etýlasetat (ediksýrueter, ediksýruestri, ediksnafta)	141-78-6
2-etýlhexanól (2-etýlhexýlalkóhól)	104-76-7
Fitusýrur	
Arakínsýra (eikósansýra)	506-30-9
Behensýra (dókósansýra)	112-85-6
Smjörþýra (n-smjörþýra, bútansýra, etýlediksýra, própýlmaurasýra)	107-92-6
Kaprínsýra (n-dekansýra)	334-48-5
Kaprónsýra (n-hexansýra)	142-62-1
Kaprýlsýra (n-oktansýra)	124-07-2
Erúkasýra (cis-13-dókósensýra)	112-86-7
Heptansýra (n-heptansýra)	111-14-8
Lárínsýra (n-dódekansýra)	143-07-7
Lárólsýra (dedekansýra)	4998-71-4

Efni (samheiti)	CAS-nr.
Línólsýra (9,12-oktadekadiensýra)	60-33-3
Línólensýra (9,12,15-oktadekatriensýra)	463-40-1
Mýristínsýra (n-tetradekansýra)	544-63-8
Mýristólsýra (n-tetradekensýra)	544-64-9
Ólíusýra (n-oktadekensýra)	112-80-1
Palmitínsýra (n-hexadekansýra)	57-10-3
Palmitólsýra (cis-9-hexadekensýra)	373-49-9
Pelargónsýra (n-nónansýra)	112-05-0
Rísínólsýra (cis-12-hýdroxýoktadek-9-ensýra, laxerolíusýra)	141-22-0
Sterínsýra (n-oktadekansýra)	57-11-4
Valerínsýra (n-pentansýra, valerínsýra)	109-52-4
Fitusúrestrar — allir estrar myndaðir með samsetningu tilgreindra fitusýra og einhvers af tilgreindum fitualkóhólum sem og metanóli og etanóli. Sem dæmi má nefna	
Bútýlmýristat	110-36-1
Setýlsterat	110-63-2
Óleýlpalmítat	2906-55-0
Metýllárat (metýldódekanóat)	111-82-0
Metýlóleat (metýloktadekenóat)	112-62-9
Metýlpalmítat (metýlhexadekanóat)	112-39-0
Metýlsterat (metýloktadekanóat)	112-61-8
Fitualkóhól	
Bútýlalkóhól (1-bútanól, smjörsíra)	71-36-3
Kaprólalkóhól (1-hexanól, hexýlalkóhól)	111-27-3
Kaprýlalkóhól (1-n-oktanól, heptýlkarbínól)	111-87-5
Setýlalkóhól (C-16 alkóhól, 1-hexadekanól, setýlalkóhól, palmítýlalkóhól, n-eingreint hexadekýlalkóhól)	36653-82-4
Dekýlalkóhól (1-dekanól)	112-30-1
Enantýlalkóhól (1-heptanól, heptýlalkóhól)	111-70-6
Lárýlalkóhól (n-dódekanól, dódekýlalkóhól)	112-53-8
Mýristýlalkóhól (1-tetradekanól, tetradekanól)	112-72-1
Nónýlalkóhól (1-nónanól, pelargónalkóhól, oktylkarbínól)	143-08-8
Óleýlalkóhól (oktadekenól)	143-28-2
Sterýlalkóhól (1-oktadekanól)	112-92-5
Tridekýlalkóhól (1-tridekanól)	112-70-9
Fitualkóhólblöndur	
Lárýlmýristýlalkóhól (C12–C15 blanda)	
Setýlsterýlalkóhól (C16–C18 blanda)	
Maurasýra (metansýra, vetniskarboxýlsýra)	64-18-6
Frúktósi	57-48-7 og 30237-26-4
Glýseról (glýserín, glýserín, própan-1,2,3-tríól)	56-81-5

Efni (samheiti)	CAS-nr.
Glýkól	
1,3-bútandiól (1,3-bútýlenglýkól)	107-88-0
1,4-bútandiól (1,4-bútýlenglýkól)	110-63-4
Heptan (af verslunarhreinleika (e. <i>commercial grade</i> ))	142-82-5
Hexan (af tæknilegum hreinleika)	110-54-3 og 64742-49-0
Vetnisperoxíð	7722-84-1
Ísóbútanól (2-metýl-1-própanól)	78-83-1
Ísóbútýlasetat (2-metýlprópýlasetat)	110-19-0
Ísódekanól (ísódekýlalkóhól)	25339-17-7
Ísónónanól (ísónónýlalkóhól)	27458-94-2
Ísóoktanól (ísóoktýlalkóhól)	26952-21-6
Ísóprópanól (própan-2-ól, ísóprópýlalkóhól, IPA)	67-63-0
Kaólingrugglausn	1332-58-7
Límónen (dípenten)	138-86-3
Magnesiumklóríðlausn	7786-30-3
Metanól (metýlalkóhól)	67-56-1
Metýletýlketón (2-bútanon)	78-93-3
Metýlísóbútýlketón (4-metýl-2-pentanón)	108-10-1
Metýltertíerbútýleter (MBTE)	1634-04-4
Melassi sem hefur verið framleiddur í hefðbundinni iðnaðarvinnslu á sykri með notkun á sykurreyr, sykurrófum, sítrusávöxtum eða dýrri	—
Parrafinvax (af matvælahreinleika)	8002-74-2 og 63231-60-7
Pentan	109-66-0
Fosförsýra (ortófosförsýra)	7664-38-2
Pólýprópýlenglýkól (mólþyngd yfir 400)	25322-69-4
Drykkjarhæft vatn	7732-18-5
Kalíumhýdroxíðlausn (basísk pottaska)	1310-58-3
N-própýlasetat	109-60-4
Própýlalkóhól (própan-1-ól, 1-própanól)	71-23-8
Própýlenglýkól (1,2-própýlenglýkól, própan-1,2-díól, 1,2-díhýdroxýprópan, mónóprópýlenglýkól (MPG), metýlglýkól)	57-55-6
1,3-própandiól (1,3-própýlenglýkól, trímetylenglýkól)	504-63-2
Própýlenfjórliða	6842-15-5

Efni (samheiti)	CAS-nr.
Natríumhýdroxíðlausn (vítissóði, lútur)	1310-73-2
Natríumsílikatlausn (vatnsgler)	8.9.1344
Sorbítóllausn (d-sorbítól, sexgilt alkóhól, d-sorbít)	50-70-4
Brennisteinssýra	7664-93-9
Óaðgreindar fitusýrur úr jurtaolíum og -fitu, olíum og fitu úr sjávardýrum og dýrum og/eða blöndum þeirra, að því tilskildu að uppruni þeirra sé fita eða oliur til manneldis.	—
Óaðgreind fitualkóhól úr jurtaolíum og -fitu, olíum og fitu úr sjávardýrum og dýrum og/eða blöndum þeirra, að því tilskildu að uppruni þeirra sé fita eða oliur til manneldis.	—
Óaðgreindir fitueterar úr jurtaolíum og -fitu, olíum og fitu úr sjávardýrum og dýrum og/eða blöndum þeirra, að því tilskildu að uppruni þeirra sé fita eða oliur til manneldis.	—
Úreaammóníumnítratlausn (UAN)	—
Hvítolíur	8042-47-5